

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-118-12/23

Datum: 13.07.2023.godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku klasterske akreditacije studijskih programa prvog i drugog ciklusa studija Engleskog jezika i Bosanskog jezika na Filozofskom fakultetu Univerziteta u Tuzli, a na osnovu mišljenja Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji klastera studijskih programa prvog i drugog ciklusa studija Engleskog jezika i Bosanskog jezika i književnosti Filozofskog fakulteta Univerziteta u Tuzli (u daljem tekstu: Komisija stručnjaka), nadležnom obrazovnom organu, direktor Agencije za razvoj visokog obrazovanja i obezbjeđivanje kvaliteta (u daljem tekstu: Agencija) daje:

P R E P O R U K U

o akreditaciji studijskih programa prvog i drugog ciklusa studija na Filozofskom fakultetu Univerziteta u Tuzli, i to sljedećih studijskih programa:

- 1) Engleski jezik i književnost, I ciklus studija;
- 2) Prevođenje engleskog jezika, II ciklus studija;
- 3) Metodika nastave engleskog jezika, II ciklus studija;
- 4) Angloamerički književni studij, II ciklus studija;
- 5) Lingvistika engleskog jezika, II ciklus studija;
- 6) Bosanski jezik i književnost, I ciklus studija;
- 7) Bosanskohercegovačka književnost u književnohistorijskom kontekstu, II ciklus studija

O b r a z l o ž e n j e

Ministarstvo obrazovanja i nauke Tuzlanskog kantona (U daljem tekstu: Ministarstvo) dostavilo je 08.03.2023. godine Prijedlog članova Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji klastera studijskih programa prvog i drugog ciklusa studija Engleskog jezika i Bosanskog jezika na Filozofskom fakultetu Univerziteta u Tuzli, broj: 10/1-34-41783-1/23 od 23.02.2023.godine, a kojim je predložen minimalan broj članova Komisije stručnjaka po svakoj kategoriji. U prilogu pomenutog Prijedloga, pored propisane dokumentacije potrebne za provođenje postupka klasterske akreditacije studijskih programa dostavljen je i Zahtjev visokoškolske ustanove

www.hea.gov.ba, e-mail:info@hea.gov.ba

BA – 78000 Banja Luka, Ulica akademika Jovana Surutike 13, Tel.: +387 51 430 510, Fax: +387 51 462 302

Univerzitet u Tuzli za klstersku akreditaciju studijskih programa prvog i drugog ciklusa studija Engleskog jezika i Bosanskog jezika Filozofskog fakulteta Univerziteta u Tuzli, broj 01-7214-1/22 od 26.12.2022.godine, u kojem se između ostalog navode i studijski programi prvog i drugog ciklusa studija Engleskog jezika i Bosanskog jezika Filozofskog fakulteta Univerziteta u Tuzli, i to: Engleski jezik i književnost (I ciklus), Prevođenje engleskog jezika (II ciklus), Metodika nastave engleskog jezika (II ciklus), Angloamerički književni studiji (II ciklus), Lingvistika engleskog jezika (II ciklus), Bosanski jezik i književnost (I ciklus), Bosanskohercegovačka književnost u književnohistorijskom kontekstu (II ciklus), Metodika nastave bosanskog jezika i književnosti (II ciklus) i Povijest bosanskog jezika (II ciklus).

Nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije stručnjaka predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11 i 26/19) (u daljem tekstu: Odluka o normama), u skladu sa članom 49. alineja 4) Okvirnog zakona, Agencija je imenovala Komisiju stručnjaka Rješenjem broj: 05-33-1-118-3/23 od 06.04.2023. godine.

Na osnovu korespondencije Komisije stručnjaka u pripremnoj fazi organizacije posjete predmetnoj visokoškolskoj ustanovi, analizirajući dostavljenu dokumentaciju utvrđeno je da za studijske programe Povijest bosanskog jezika (II ciklus) i Metodika bosanskog jezika i književnosti (II ciklus) ne postoje kompletni podaci u samoevaluacijskom izvještaju na osnovu kojih bi se moglo zaključiti da su ta dva studijska programa trenutno aktivna u smislu izvođenja nastave. Imajući u vidu činjenicu da „neaktivni“ studijski programi ne mogu biti predmet bilo kojeg modela akreditacije, Agencija je od nadležnog Ministarstva, dopisom broj: 05-33-1-118-5/23 od 23.05.2023. godine, imajući u vidu činjenicu da je Komisija stručnjaka imenovana te da su aktivnosti Komisije stručnjaka u smislu pripreme i organizacije posjete predmetnoj visokoškolskoj ustanovi bile u odmakloj fazi, zatražila hitno zauzimanje stava u pogledu naprijed navedenog. Nakon toga, dana 26.05.2023. godine nadležno Ministarstvo je, dopisom broj: 10/1-34-41783-4/22 od 26.05.2023. godine, obavijestilo Agenciju da je predmetna visokoškolska ustanova svojim izjašnjenjem, broj: 01-3054-123 od 26.05.2023. godine, u cilju nastavka procesa akreditacije povukla navedena dva studijska programa iz daljeg postupka akreditacije.

Dana 29.06.2023.godine od strane Komisije stručnjaka dostavljen je Izvještaj Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji klastera studijskih programa prvog i drugog ciklusa studija Engleskog jezika i Bosanskog jezika i književnosti Filozofskog fakulteta Univerziteta u Tuzli (u daljem tekstu: Izvještaj).

Uvidom u dostavljeni Izvještaj, utvrđeno je sljedeće:

- formalna cjelovitost Izvještaja,
- da je Izvještaj napisan na jednom od službenih jezika u Bosni i Hercegovini i na engleskom jeziku, te
- da je u skladu sa Odlukom o normama i Odlukom o kriterijima za akreditaciju studijskih programa prvog i drugog ciklusa studija u BiH.

Komisija za davanje preporuka je nakon individualnog analiziranja dostavljenog Izvještaja, a u skladu sa zadacima Komisije za davanje preporuka propisanih Instrukcijom o načinu davanja preporuke o akreditaciji visokoškolskih ustanova i studijskih programa i naknadnom izmjenom pomenute Instrukcije (u daljem tekstu: Instrukcija), razmijenila stavove i zapažanja, te zaključkom predložila direktoru Agencije da postupi u skladu sa članom 5. stav (1) Instrukcije, a prema Mišljenju o ishodu akreditacije klastera studijskih programa Filozofskog fakulteta Univerziteta u Tuzli.

U skladu s Odlukom o normama, Komisija stručnjaka je u pomenutom Izvještaju ocjenila ispunjenost svih deset kriterija kao potpuno ili znatno ispunjeni, kako je to propisano Odlukom o normama, za studijske programe kako slijedi:

- 1) **Engleski jezik i književnost, I ciklus studija;**
- 2) **Prevođenje engleskog jezika, II ciklus studija;**
- 3) **Metodika nastave engleskog jezika, II ciklus studija;**
- 4) **Angloamerički književni studij, II ciklus studija;**
- 5) **Lingvistika engleskog jezika, II ciklus studija;**
- 6) **Bosanski jezik i književnost, I ciklus studija;**
- 7) **Bosanskohercegovačka književnost u književnohistorijskom kontekstu, II ciklus studija**

Visokoškolska ustanova bi trebala po prijemu rešenja o akreditaciji svakog studijskog programa detaljno analizirati preporuke Komisije stručnjaka i napraviti Akcioni plan u skladu sa Odlukom o normama i propisima nadležne obrazovne vlasti. Akcioni plan treba da obuhvata:

- imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima,
- vremenski okvir za realizaciju preporuka kao i potrebne finansijske i ljudske resurse,
- definisane mjerljive indikatore za praćenje realizacije Akcionog plana.


Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenja o akreditaciji za **navedene studijske programe** te ista dostavi Agenciji radi postupka ocjene usklađenosti rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH, a sve u svrhu upisa predmetne visokoškolske ustanove u Državni registar akreditovanih visokoškolskih ustanova u Bosni i Hercegovini.

Direktor


Prof. dr Enes Hašić

Dostaviti:

- *Ministarstvo obrazovanja i nauke Tuzlanskog kantona*
- *Univerzitet u Tuzli*
- *Sektor 05*
- *a/a*


www.hea.gov.ba, e-mail: info@hea.gov.ba

BA – 78000 Banja Luka, Ulica akademika Jovana Surutke 13, Tel.: +387 51 430 510, Fax: +387 51 462 302

